

爾

雅

古

注

斟

爾雅古注斟卷中

甘泉禁蕙心蘭如

釋宮第五

宮謂之室室謂之宮 李巡曰所以通古今之語明實

同而異名

書秦誓正義

牖戶之間謂之辰 李巡云謂牖之東戶之西爲辰

顧命正義

郭音衣又意尾反 釋文 郭音義云禮有斧

辰者形如屏風畫爲斧文置於辰也因名爲辰 詩公

劉正義

蕙心案屏風之名不聞於古春官司几筵鄭注依其

制如屏風然觀禮鄭注依如今緋素屏風也曲禮鄭注云斧扆爲斧文屏風於戶牖之間魏書李謚明堂制度論引鄭氏三禮圖云扆從廣八尺畫斧文於其上今之屏風也鄭屢以屏風況依者據漢制言也扆依古通用

其內謂之家

李巡云謂門以內也

詩緜正義

東西牆謂之序

孫炎曰堂東西牆所以別序內外也

詩緜正義

書顧命正義

舍人曰殿東西堂序尊卑

處

御覽一百八十五

蕙心案書顧命正義引爾雅作東西廂謂之序舍人

之東西堂卽東西廂說文序東西牆也釋名序次序

也堂兩旁爲東西夾室中有牆以隔之謂之東西序

西南隅謂之奧 孫炎云室中隱奧之處也 書堯典正義

西北隅謂之屋漏 舍人曰古者徹屋西北庀以炊浴

汲者訖而復之故謂之屋漏也 御覽一百八十八孫

炎曰屋漏者當室之白日光所漏入 詩抑正義

東北隅謂之宦 舍人曰東北陽氣始起萬物所養故

謂之宦 御覽一百八十八李巡曰東北者陽氣始起

育養萬物故曰宦宦養也 釋文 孫炎曰宦日側之明

曲禮正義

東南隅謂之窻 舍人曰東方萬物生蟄蟲必出無不

由戶突 御覽 郭又音杏 釋文

蕙心案據舍人注窻作突釋文云又作窻同可知古
本有从宀作窻突者窻之譌釋名云東南隅曰窻正
用爾雅文漢書叙傳應劭注引爾雅東南隅謂之窻
亦疑窻字之譌

秩謂之闕 孫炎曰秩門限也 詩丰正義 郭千結反 釋文

蕙心案匡繆正俗云問曰俗謂門限爲門闕何也答
曰案爾雅秩謂之闕郭景純注曰門限也音切闕反
限荷一聲之轉耳

椳謂之楔

李巡曰椳謂梱上兩旁木

詩俟我正義

樞謂之椳

孫炎曰門戶扇樞闕可依蔽爲椳也郭云

扇樞者卽戶扉也

御覽一百八十四

郭音吾回反

釋文

蕙心案孫注爲椳余蕭客經解鉤沉引作爲根根疑椳之譌又今本郭注作門戶扉樞正承用孫語扉又疑扇之誤

牆謂之甯

李巡曰謂垣牆也

詩行露正義

鏝謂之朽

李巡曰泥鏝一名朽塗工作具

釋文

郭云

泥鏝言用泥以鏝也

左襄三十一年傳正義

榱謂之椳

孫炎曰榱斲材質也

詩殷武正義

蕙心案文選擣衣詩注引爾雅作砧謂之度砧者槥
之俗體榘亦俗體詩方斲是度用正字

黝

郭殃柳反

釋文

檝謂之杙

李巡曰杙謂槩也

詩兔宜于役正義

蕙心案禮內則正義引李巡曰檝謂槩杙也今合詩
禮二疏所引疑李注當作檝謂杙杙謂槩也禮疏疑
衍一槩字

在牆者謂之樨

蕙心案考工記匠人引爾雅在牆者謂之杙杙卽樨
矣

大者謂之棋

蕙心案帝範審官篇注引爾雅注曰棋棧也大者謂之棋料也

閤謂之臺 孫炎曰積土如水渚所以望氛祥也

詩東

門正義 李巡曰積土爲之所以觀望

禮月令正義

有木者謂之榭 孫炎曰榭別有臺也

書泰誓正義

李

巡云臺上有屋謂之榭

春秋宣十六年正義

鑿垣而棲爲畴 李巡曰別雞所棲之名寒鄉鑿牆爲

雞作棲曰畴

詩君子于役正義

其上楹謂之棖 李巡曰梁上短柱也

明堂位正義

孫

炎云梁上侏儒柱

禮器正義

開謂之楨 舍人曰侏儒下小小方木

御覽百八十八

蕙心案玉篇作拚云亦作開說文門部開門樽櫨也
今本誤作開御覽一百八十八引爾雅作筭謂之疾
筭與拚聲通

栴謂之棗 李巡曰栴謂樽櫨也一名棗皆謂斗棋也

禮記明堂位正義

孫炎作節

禮器正義

桴 郭音浮又音孚

釋文

栴謂之榱 舊注曰栴椽也一曰屋角斜枋一曰栒也

帝範審官篇注

沈旋注齊魯名栴周人名榱

邢疏

檐謂之摘

舊注云摘亦楣也

一切經音義

孫炎曰謂

室栢周人謂之栢齊人謂之檐

特牲饋食禮疏

郭音

他赤反字从手旁

釋文

兩階間謂之鄉

爾雅曰兩階間曰闕許亮反

文選魏都賦註

門屏之間謂之宀

李巡曰門屏之間謂正門內兩邊

塾間名曰宀

孫炎曰門內屏外人君視朝所立

處也

曲禮正義

屏謂之樹

舍人曰以垣當門蔽爲樹

御覽百八十五

李巡曰垣當門自蔽名曰樹

曲禮正義

蕙心案呂氏春秋高誘注引爾雅屏謂之樹今同淮

南主術訓高誘注引爾雅門內之垣謂之樹是約注文
言也

闕謂之門 李巡曰祊故廟中門名也 孫炎曰祝祭

于祊謂廟門也 左襄二十四年傳正義

蕙心案郝氏義疏曰郊特牲索祭祝于祊注云廟門
曰祊正義以爲釋宮文禮器正義亦引釋宮廟門謂
之祊郊特牲祊之于東方正義又引釋宮云門謂之
祊脫廟字參以孫李注并以廟門釋祊疑爾雅古本
當作廟門謂之祊左傳正義引爾雅與今本同

正門謂之應門 孫炎曰宮中南嚮大門應門也 詩經正義

觀謂之闕 孫炎曰宮門雙闕舊章懸焉使民觀之因

謂之觀

詩子衿正義

宮中之門謂之闈 孫炎曰宮中相通小門也

左傳哀

公十四年正義

蕙心案後漢書陰皇后紀宦者傳注引爾雅宮門小

門謂之闈

其小者謂之闈小闈謂之闕 李巡曰皆門戶大小之

異言於小之中又分大小焉

公羊宣六年傳疏

衙門謂之闕 孫炎曰衙舍間道也 李巡曰闕衙頭

之門也

並左成十七年傳正義

爾雅曰闕巷門也一

日闕門中所從出入也

文選魏都賦注

蕙心案文選注引蓋爾雅舊注文

門側謂之塾

孫炎曰夾門堂也

詩絲衣正義

所以止扉謂之閤

蕙心案玉篇引爾雅作閤廣韻引爾雅作闕釋文本作闕蓋據誤本當作閤

瓠甌謂之甃

李巡曰瓠甌一名甃

孫炎云詩云中

堂有甃

詩防有鵲巢正義

宮中衙謂之壺

孫炎云巷舍間道也

詩巷伯正義

廟中路謂之唐

李巡曰唐廟中路名

詩防有鵲巢正義

堂途謂之陳 孫炎曰堂塗堂下至門之徑也

詩何人斯正義

蕙心案何人斯傳作堂塗考工記匠人作堂塗鄭注引爾雅亦作堂塗

二達謂之歧旁

樊本作歧音支

郭如字

並釋文

三達謂之劇旁

孫炎云旁出歧多故曰劇

詩兔置正義

四達謂之衢

李巡曰四達各有所至曰衢

孫炎曰

交通四出

並公羊定八年傳疏

五達謂之康

孫炎云康樂也交會樂道也

詩兔置正義

義

初學記

六達謂之莊

孫炎云莊盛也道煩盛

初學記

七達謂之劇驂

孫炎云三道交復有一歧出者

詩兔

置正義

孫炎云驂馬有四今此有七比之方驂劇

初

學記

蕙心案初學記引孫注與釋名同

八達謂之崇期

孫炎曰崇多也多道會期於此

初學

記

九達謂之達

李巡曰達道方九軌

左隱十一年傳正義

隄謂之梁

李巡曰隄防也障也

一切經音義

孫炎

曰梁水橋也

釋地郭注

室有東西廂曰廟

李巡曰室有東西廟謂宗廟有東

西堂也

公羊宣十六年疏

孫炎曰夾室前堂

同上舍

人曰殿有東西小堂也

文選爲賈謐作贈陸機詩注

蕙心案文選贈陸機詩注引爾雅作室有東西廂曰廊廊恐字誤

無室曰榭

李巡曰但有大殿無室名曰榭

月令正義

孫炎云榭但有堂也

書泰誓正義

釋器第六

盜謂之缶

孫炎曰缶瓦器

詩宛邱正義

蕙心案左傳襄九年正義引爾雅作甕謂之缶說文甕缶也

瓠 孫叔然云瓠瓦器受斗六升

史記貨殖傳集解

蕙心案魏書孫炎字叔然

康瓠謂之瓠

李巡云大瓠瓠也

文選帛屈原文注

孫

郭如字李本作光

釋文

蕙心案康李本作光說文光廣也大也故李以康瓠爲大瓠郭注方言引爾雅瓠康壺案瓠壺字通

斲斲謂之定

隄爲舍人云斲斲鉏也一名定

齊民要

術

李巡曰斲斲鉏也定鉏別名斲郭巨俱反

並釋文

蕙心案考工記車人引爾雅曰句櫛謂之定斲作句

斲謂之櫛

蕙心案一切經音義引爾雅云斫謂之楛說文石部亦云斫謂之楛又作磻云斫也皆不从金

斛謂之鯁

斛郭七迤反

鯁郭楚洽反

並釋文

蕙心案文選祭古冢文注引爾雅作鋹謂之鋪斛鋹
鯁鋪古今字故郭注云古鋹鋪字

九戩 孫炎曰九戩謂魚之所入有九藥也

詩九戩正義

嫠婦之笱謂之雷

孫炎曰雷曲梁其功易故謂之寡

婦之笱

詩魚麗正義

巢謂之汕

舍人曰以薄巢魚曰巢者也

御覽

李巡曰

汕以薄汕魚

孫炎曰今之撩魚

並詩嘉魚正義

撩

郭力充反取也

釋文

筐謂之罩 李巡曰筐編細竹以爲罩捕魚也 孫炎

曰今楚罩也

並詩南有嘉魚正義

筐郭七角反又捉

廓二音

釋文

糝謂之涪 舍人曰以米投水中養魚爲涪也

御覽入

百三十四

李巡曰以木投水中養魚爲涪也 孫炎

曰積柴養魚爲涪

詩潛正義

郭霜甚疏廕二反爾雅

舊文並云詩傳並米旁作糝郭改米从木 涪郭岑

涪二音

並釋文

蕙心案糝舍人本从米李孫郭本皆从木釋文據詩

毛傳潛糝也亦以字當从米不知从米从木皆無關
本義說文糝字許云積柴水中以取魚也此乃糝之
本字謂象形也郝氏義疏謂糝字非爾雅本義爾雅
自是作糝無得拘於字之形似

鳥罟謂之羅

李巡曰鳥飛張網以羅之

詩兔爰正義

兔罟謂之罝

李巡曰兔自作徑路張罝捕之也

詩兔

爰正義

舍人云兔自作徑路張罝捕之也

御覽八百

三十二

郭注云罝遮也罝取兔也

一切經音義

蕙心案李與舍人注同郭注當出音義

麋罟謂之罟

舍人曰麋有難制張罟也

御覽八百三十二

毚罟謂之羅

舍人曰毚剛惡斲人故張網而羅之也

御覽八百三十二

爾雅曰毚罟謂之羅羅或爲毚又

云羅或爲羅

文選七命注

蕙心案文選注引爾雅當皆爾雅舊注舍人以羅易
羅是舍人本作羅矣

魚謂之眾

李巡曰魚罟捕魚具也

詩碩人正義

繁謂之罟

郭卑覓反孫芳麥反

釋文

罟謂之孳孳覆車也

孫炎曰覆車網可以掩兔者也

詩兔爰正義

孫炎曰覆車是兩轅網

月令正義

裂郭

姜悅反

釋文

紉謂之救 孫九遇反

釋文

蕙心案郭注救絲以爲紉或曰亦冑名郭引或說必

爾雅舊注

大版謂之業 孫炎曰業所以飾栒刻板捷業如鋸齒

也

詩有啓靈臺正義

繩之謂之縮之 孫炎曰繩束築板謂之縮

詩絲正義

蕙心案絲詩毛傳乘謂之縮鄭箋乘當爲繩語正用

爾雅正義引作繩謂之縮蓋古本如此今本衍二之

字

辨占蠱器也 李巡曰占鬯之器也

左傳二十八年傳

正義
孫炎曰尊彝爲上罍爲下卣居乎中也 詩卷耳

正義

小罍謂之坎 孫炎曰酒尊也

詩蓼莪正義

黼領謂之襟

孫炎曰黼刺黼文以爲襪領

詩素衣正義

衣背謂之襟

李巡曰衣背衣領之襟

孫炎曰襟交

領也

並詩子衿正義

衿謂之衿

衿孫今鉗二音

衿郭辭見反孫音荐

釋文

執衽謂之袷

孫炎曰持衣上衽

詩芣苢正義

郭居黯

反

釋文

扱衽謂之襮

李巡曰扱衣上衽於帶

詩芣苢正義

衣蔽前謂之襜 李巡曰衣蔽前衣蔽膝也 詩采綠正義

義 孫炎曰衣蔽膝也

婦人之褱謂之褱 孫炎曰褱悅巾也 詩東山正義

蕙心案文選思予賦琴賦注竝引爾雅作婦人之徽謂之褱徽者褱之借字

與革前謂之鞞 李巡曰與革前謂與前以革為車飾

曰鞞 詩載馳正義

後謂之第 李巡曰第車後戶名也 詩載馳正義

竹前謂之禦 李巡曰竹前謂編竹當車前以擁蔽名

之曰禦禦止也 孫炎曰禦以簞為車飾也 並詩小戎正義

載饗謂之饗

郭音儀

釋文

餛謂之餛 李巡曰餛餛皆穢臭也

釋文

餛郭呼帶反

同上

蕙心案說文餛食臭也引爾雅餛謂之噉

搏者謂之糲

李巡曰糲飯淖糜相著也

郭音輦

釋文

米謂之粢

李巡曰米飯半腥半熟名粢

釋文

肉謂之敗

李巡曰肉敗久則臭魚餛肉爛

李充爾

雅注云皆飲食敗壞之名也

並論語皇侃義疏

蕙心案邢疏魚謂之餛郭注云內爛公羊僖十九年

何休注魚爛自內發此郭注所本李巡注肉爛邢疏

作內爛李充字疑巡之譌

肉曰脫之

李巡曰肉去其骨曰脫

內則正義

魚曰斲之

李巡曰魚曰作之魚骨小無所去

內則正

義 樊光云斲斲也

公羊成二年疏

蕙心案內則魚曰作之李本所從也爾雅作斲樊本所從也

冰脂也

冰孫本作凝牛烝反膏凝曰脂

釋文

魚謂之鮓

舊注云蜀人取魚以爲鮓

書鈔一百六十一

肉謂之醢

李巡曰以肉作醬曰醢

詩行葦正義

圓弁上謂之簠

孫炎曰鼎斂上而小曰弁

詩絲衣正

義 舊注鼎小鼎 類聚七十三 舊注弁上小上也 說文

繫傳 郭音才 釋文

欵足者謂之鬲 舍人曰鼎足相去疏間曰鬲 御覽七

百五十七

郭氏讚曰九牧貢金鼎出夏后和味養賢

以無化有赫赫三事鑒於覆載 藝文類聚

鬲謂之鬻 孫炎曰關東謂甑爲鬻涼州謂甑爲鈔 詩

匪風正義

鬻郭財金反 釋文

一羽謂之箴 郭云凡物數無不從爲一始 釋文

蕙心案郭氏音義文

木謂之虞 孫炎曰虞枸之植所以懸鐘磬 詩靈臺正義

旄謂之龍

蕙心案集韻類篇竝引爾雅作髦謂之龍

白蓋謂之苫

李巡曰編菅茅以覆屋曰苫

左昭二十

七年傳正義

孫炎曰白蓋茅苫也

左襄十四年傳正義

餅金謂之鈇

郭氏金銀譜云惟金三品揚越作貢五

材所珍是謂國用務經軍農爰及雕弄

初學記

蕙心案藝文類聚引爾雅餅作餅案从金是也

犀謂之割

蕙心案陸氏釋文字作割案玉篇廣韻竝引爾雅作

犀謂之厝厝乃割之或體

木謂之劇

爾雅木謂之櫛今江東斫木爲櫛

玉篇

蕙心案玉篇木部引爾雅必舊注文也

玉謂之雕

蕙心案文選思予賦注引爾雅作玉謂之瑯瑁正字

金謂之鏤

孫炎曰治器之名

詩洪澳正義

蕙心案詩淇奧篇毛傳治骨曰切象曰瑳玉曰琢石曰磨義本爾雅增一治字詞義顯白孫注所本也

簡謂之畢

李本作篲

釋文

滅謂之典

李本作沾孫本作玷

釋文

蕙心案玷當爲玷之譌

不律謂之筆 郭氏云書筆名四方之異言也 曲禮正

義 郭氏讚曰上古結繩易以書契經緯天地錯綜羣

藝日用不知功蓋萬世 藝文類聚

金鏃翦羽謂之鏃 孫炎云金鏃斷羽使前重也 詩行

羣正義 李巡云以金爲箭鏃 史記索隱

骨鏃不翦羽謂之志 舊注云不翦謂以鳥羽自然淺

狹不復口也 御覽三百卅九

弓有緣者謂之弓無緣者謂之引 李巡曰骨節兩頭

曰弓不以骨節兩頭曰弣 左傳廿三年傳正義 孫炎

曰緣謂繳束而漆之無緣謂不以繳束骨節兩頭者

也

蕙心案儀禮賈疏引孫注二繳字皆作繫

璧大六寸謂之宣

蕙心案藝文類聚引爾雅璧大六寸謂之瑄說文無瑄字漢書郊祀志有司奉瑄玉孟康注璧大者謂之瑄正用爾雅文故郭注亦作瑄玉

肉倍好謂之璧好倍肉謂之瑗肉好若一謂之環李
巡云好孔也肉倍好邊肉大其孔小也好倍肉其孔
大邊肉小也肉好若一孔及邊肉大小適等曰環也

左昭十六年傳正義

肉倍好謂之璧 孫炎曰肉身也好孔也身大而孔小

也

詩泮水正義

郭氏讚曰玉作五瑞辨章有國君子

鳴佩亦以表德永觀厥祭時惟文則

藝文類聚

再染謂之頰

蕙心案考工記鍾氏注引爾雅再染謂之鏡左氏哀十七年傳如魚鏡尾蓋鏡爲頰之異文經乃頰之正字

三染謂之纁 李巡曰三染其色已成爲絳纁絳一名

也

書禹貢正義

青謂之葱黑謂之黝 孫炎云黝青黑色葱則青之異

色 禮玉潔正義

斧謂之黼

孫炎云黼文如斧形蓋半白半黑似斧刃

白而身黑

書益稷正義

竿謂之旒

李本作筵

釋文

簀謂之第

孫炎曰牀也

左襄二十七年傳正義

革中絕謂之辨

郭普遍反孫蒲莧反釋云辨半分也

釋文

蕙心案玉篇辨部廣韻三十二霰注引爾雅作革中

絕謂之辨革車勒轡也

釋樂第七

孫炎云作樂器小大稱十二律也

史記索隱

宮謂之重商謂之敏角謂之經徵謂之迭羽謂之柳

劉歆云宮者中也君也爲四音之綱其聲重厚如君之德而爲重商者章也臣也其聲敏疾如臣之節而爲敏角者觸也民也其聲圓長經貫清濁如民之象而爲經徵者祉也事也其聲抑揚遞續其音如事之緒而爲迭羽者宇也物也其聲低平掩映自高而下五音備成如物之聚而爲柳

玉海

孫炎云宮音濁而

遲故曰重也

釋文

蕙心案玉海載徐景安樂書引劉歆爾雅注如此邢疏亦采之當有所據釋文亦有歆注云宮中也居中

央暢四方唱始施生爲四聲綱也商章也成就可章
度也角觸也物觸地而出戴芒角也徵祉也物盛大
而繁祉也羽字也物聚藏字覆之也注與漢書律厯
志同據以爲爾雅注恐誤

大瑟謂之灑 孫炎云音多變布出如灑也

釋文

蕙心案禮月令正義引作音之布告如埽灑也文畧
異

大琴謂之離 孫炎云聲留離也

禮月令正義

蕙心案邢疏引作音多變聲流離也

小者謂之應 李巡曰小者聲音相承故曰應應承也

孫炎曰和應大鼓也

並釋文

大磬謂之磬 李巡曰大磬聲清燥故曰磬磬燥也

孫炎云磬喬也喬高謂其聲高也

並釋文

大笙謂之巢小者謂之和 舍人云大笙音聲衆而高

也小者聲相和也

御覽五百八十一

李巡云小者聲

少音相和也 孫炎云巢高大

並儀禮鄉射正義

應

和於笙 孫仕交莊交二反 孫又徂交反巢高也

言其聲高

並釋文

舊注云和小笙

儀禮鄉射正義

大箎謂之沂 舍人云大箎其聲悲沂鏘然也

詩何人

斯正義 舍人云詩云仲氏吹箎也

御覽百八十

李孫

云篋聲悲沂悲也 郭音魚斤反又魚新反 並釋文

大壘謂之踞 舍人云壘大者如鷲子聲合黃鐘小者

如雞子聲合大簇夾鐘 御覽 李巡云叫大壘也 釋文

孫炎曰音大如叫呼也 詩何人斯正義

蕙心案李孫注字皆作叫踞叫音義同

大鐘謂之鏞 李巡曰大鐘音聲大鏞大也 孫炎曰

鏞深大之聲 書益稷正義

其中謂之剽 郭音瓢孫匹妙反釋云剽者聲音疾李

云其中微小故曰剽剽小也 釋文

小者謂之棧 李巡曰棧淺也郭側簡反 釋文

大簫謂之言小者謂之箏 李巡曰大簫聲大者謂言

也小者聲揚而小故曰箏箏小也 詩有瞽正義

大管謂之箏其中謂之篴小者謂之箏 舍人曰大管

聲高大故曰箏箏者高也中者聲精密故曰篴篴密

也小者聲音清妙也 御覽五百八十一 箏郭音妙 釋文

其中謂之仲小者謂之箏 舍人云仲其聲適中仲呂

也小者形聲細小曰箏也 御覽五百八十一

徒歌謂之謠 孫炎曰聲消搖也 爾雅云謂無絲竹

之類獨歌之 並詩圖有桃正義 爾雅有聲比於琴瑟

曰歌 初學記

蕙心案引爾雅云云皆舊注文

徒擊鼓謂之罟

孫炎曰聲驚罟也

詩行葦正義

徒鼓磬謂之卷

李巡云置擊衆生卷連也

郭云皆

五音別名其義未詳

並釋文

蕙心案初學記引爾雅作徒擊磬謂之卷以李注推之鼓當作擊郭云者音義文也

所以鼓祝謂之止所以鼓敵謂之鑼

李巡說擊祝之

椎名爲止戛敵之木名爲鑼樂之初擊祝以作之樂之將末戛敵以止之

書益稷正義

舊注云止者欲戒

止於其早也鑼者欲修潔於其後也

禮書

鑼郭之仁

反又音戰

釋文

釋天第八

穹蒼蒼天也

李巡曰古時人質仰視天形穹隆而高

其色蒼蒼故曰穹蒼

詩桑柔正義

春爲蒼天

李巡曰春萬物始生其色蒼蒼故曰蒼天

詩桑柔正義

舊注云萬物生蒼蒼然也

一切經音義

夏爲昊天

李巡曰夏萬物盛壯其氣昊大故曰昊天

詩桑柔正義

秋爲旻天

李巡曰秋萬物成熟皆有文章故曰旻天

詩桑柔正義

冬爲上天 李巡曰冬陰氣在上萬物伏藏故曰上天

詩桑柔正義

孫炎云冬天藏物物伏於下天清於上

御覽二十四

四時 爾雅曰四時四方各一時時期也物之生

死各應節期而止也 御覽十七

蕙心案御覽引爾雅必爾雅舊注然與釋名文同疑

釋名之譌

夏爲朱明 孫炎云夏氣赤而光明 御覽二十一

四氣和謂之玉燭 李巡云人君德美如玉而明若燭

釋文

孫炎曰四氣和四時之化 史記索隱

春爲發生

李巡曰萬物各發生長也

釋文

四時和爲通正

蕙心案文選注引爾雅四氣和爲通正

謂之景風甘雨和降

李巡曰景風太平之風也

法苑珠林

蕙心案論衡是應篇引爾雅景風作景星甘雨作甘露蓋漢代侈言符讖恐風雨之應不足飾奇祥故亦改爾雅之風雨爲星露

祥

穀不孰曰饑

李巡曰五穀不孰曰饑

詩雨無正正義

蔬不孰曰饑

李巡曰可食之菜皆不孰爲饑

詩雨無正正義

仍饑爲荐 李巡曰連歲不孰曰荐

左傳十二年傳正

義

李本作薦

釋文

蕙心案荐與薦同

災

在甲曰闕逢

李巡曰言萬物鋒芒欲出擁遏未通故

曰闕逢

一切經音義十九

在丙曰柔兆

李巡曰言萬物皆垂枝布葉故曰柔兆

孫炎曰萬物柔婉有條兆也

一切經音義

在丁曰強圉

李巡曰言萬物皆剛盛未通故曰強圉

孫炎曰萬物皮孚堅者也

一切經音義

在戊曰雍著 孫直畧反 釋文

歲陽

在寅曰攝提格 李巡曰言萬物乘陽起故曰攝提格
格起也 史記天官書索隱

在卯曰單闕 李巡云陽氣推萬物而起故曰單闕單

盡也闕止也

天官書索隱

孫炎本作蟬焉蟬猶仲也

屈原賈誼傳索隱

孫炎云殫猶仲闕壅之物於此盡

仲也

占經二十三

蕙心案釋文引李注闕上也與推萬物而起義合止
疑上之譌

在辰曰執徐

李巡曰執蟄也徐舒也言蟄物皆敷舒

而出故曰執徐也

釋文

孫炎云勾者必達蟄伏之物

皆敷舒而出

占經二十一

在巳曰大荒落

李巡云言萬物皆熾茂而大出霍然

落落故曰荒落

占經二十一

在午曰敦牂

李巡云言萬物皆茂壯猗那其枝故曰

敦牂敦茂也牂壯也

占經二十一

孫炎曰敦盛也牂

壯也言萬物盛壯也

史記天官書索隱

在未曰協洽

李巡云言陰陽化生萬物和合故曰協

洽協和也洽合也

孫炎云物生和洽含英秀也

占

在申曰沿灘 李巡云言萬物皆循修其精氣故曰沿

灘灘單盡也 孫炎曰沿灘萬物吐秀傾垂之兒也

一切經音義十七

在酉曰作噩 李巡云作鄂皆物苾枝起之兒 史記索

隱 李巡云在酉言萬物墜落故曰作鄂作索也鄂茂

也 孫炎曰作鄂者物落而枝起之兒 占經

蕙心案李孫本噩字皆爲鄂李注鄂茂也茂疑落之

譌天文志注鄂零落也

在戌曰闒茂 李巡云言萬物皆蔽冒故曰闒茂闒蔽

也茂冒也 孫炎云霜闕茂物使俱落也

占經

蕙心案李注史記索隱引作孫炎疑譌

在亥曰大淵獻 李巡曰言萬物落於亥大小深藏屈

近陽故曰淵獻淵藏也獻近也 孫炎云淵深也大

獻萬物於深謂蓋藏之於外也

占經

在子曰困敦 李巡曰在子言陽氣皆混萬物芽蘖故

曰困敦 占經 孫炎曰困敦混沌言萬物初萌混沌於

黃泉之下也 史記索隱 郭音頓 釋文

在丑曰赤奮若 李巡曰陽氣奮迅萬物而起無不若

其性故曰赤奮若赤陽色奮迅也若順也 史記厥律

正義
孫炎云物萌色赤奮動順其心而氣始芽也

占

歲陰 蕙心案今本無此二字史記厯書索隱引
爾雅釋天歲陽歲陰並舉是古本爾雅有歲陰
二字也據補

載歲也 李巡曰各自紀事示不相襲也

堯典正義

李

巡曰載一歲莫不覆載也

左昭七年傳正義

孫炎曰

四時一終曰歲取歲星行一次也

同上

商曰祀 孫炎曰祀取四時祭祀一訖也

書洪範正義

李巡曰夏歲商祀周年唐虞載各自紀事堯舜三代

示不相襲也

左傳杜序正義

周曰年 孫炎曰年取年穀一孰也

書洛誥正義

唐虞曰載

孫炎曰載始也取物終更始也

左傳杜序正義

歲名

三月爲病

李陂病反

釋文

孫音況病切

郭音巨詠

切 並集韻

四月爲余

李巡曰四月萬物皆生枝葉故曰余余舒

也

孫炎曰物之枝葉敷舒

詩小明正義

孫作舒

釋文

蕙心案詩小明鄭箋云四月爲除

九月爲予

李巡曰九月萬物畢盡陰氣浸寒其色皆

黑 孫炎曰物衰而色平也詩曰何草不平詩何草
不黃正義

十月爲陽 孫炎云純陰用事嫌於無陽故以名之海
錄碎事

蕙心案詩采薇疏引作故名之爲陽

月名

南風謂之凱風 李巡曰南風長養萬物萬物喜樂故
曰凱風凱樂也詩凱風正義

蕙心案釋文凱作颯

東風謂之谷風 孫炎曰谷之言穀穀生也谷風者生

長之風陰陽不和卽風雨無節故陰陽和乃谷風

詩

西風謂之泰風 孫炎曰西風成物物豐泰也

詩桑柔正義

蕙心案詩桑柔箋云西風謂之大風義本爾雅大與泰通

焚輪謂之積

李巡云焚輪暴風從上來降謂之積積

下也

孫炎曰迴風從上下曰積

並詩谷風正義

扶搖謂之焱

李巡曰扶搖暴風從下升上故曰焱焱

上也

詩谷風正義

孫炎曰迴風從下上曰焱

詩匪風正義

蕙心案扶搖文選恨賦文賦注並引爾雅作颯颯俗

體也

迴風爲飄 李巡曰迴風旋風也 一曰飄風別一名 詩

困風卷阿正義

日出而風爲暴 孫炎曰陰雲不興而大風暴起 詩終

風正義

風而雨土爲霾 孫炎曰大風揚塵土從上下也 詩終

風正義

陰而風爲曠 孫炎曰雲風曠日光 詩終 風正義

地氣發天不應曰霧

蕙心案文選甘泉賦注引爾雅作天氣下地不應曰

霧

蠅蝻虹也

虹郭音講俗亦呼爲青絳也

釋文

蜺爲孳貳

郭氏音義云虹雙出色鮮盛者爲雄雄曰

虹閭者爲雌雌曰霓

那疏

蜺郭五擊反

釋文

疾雷爲霆霓

蕙心案文選東都賦注初學記一御覽十三竝引爾

雅作疾雷爲霆無霓字爲字或作謂之宋氏

翔鳳曰

霓當爲電形近而誤郝氏義疏云非電之誤霓字衍也

雨霓爲霄雪

爾雅雨與雪雜下曰霰

初學記

蕙心案此舊注也郭注霓冰雪雜下者故謂之消雪
義本此

暴雨謂之凍

舊注云巴邑謂暴雨爲凍雨

文選思平

賦注

郭音東

釋文

小雨謂之霰霰 李巡曰水雪俱下

詩信南山正義

蕙心案此言小雨不及雪李注水雪俱下疑是雨霓
爲霄雪注亦郭注所本

風雨

壽星角亢天根氏也

孫炎曰角亢下繫於氏若木之

有根也

史記天官書索隱

郭音義云天根爲天下萬

物作根氏故曰天根 一切經音義 氏郭音觝丁禮反
釋文

天駟房也 孫炎曰龍爲天馬故房四星謂之天駟 詩

清人正義

大辰房星尾也 李巡曰大辰蒼龍宿之體最爲明故

曰房心尾也大火蒼龍宿之心以候四時故曰辰 左

昭十七年傳正義

孫炎曰龍星明者以爲時候故曰

大辰大火心也在中最明故時候主焉 同上

析木之津箕斗之間漢津也 孫炎曰析別水木以箕

斗之間是天漢之津也 左昭十八年傳正義

星紀斗牽牛也 孫炎曰星紀日月五星之所終始也

故謂之星紀 左襄二十八年傳正義

彖枵虛也 孫炎曰虛在北方色彖彖枵虛中也枵之

言耗耗虛之意也 左襄二十八年傳正義

北陸虛也 孫炎云陸中也北方之宿虛爲中也 左昭

四年傳正義

營室謂之定 孫炎曰定正也天下作宮室者皆以營

室中爲正 詩定之方中正義

姬蒍之口 李巡曰姬蒍元武宿營室東壁北方宿名

孫炎曰姬蒍之歎則口開方營室東壁四方似口

故因名焉

左襄三十年傳正義

蕙心案姬背當作陬背月令注又作誼訾邢疏引孫

炎注欵作次

降婁奎婁也

孫炎曰降下也奎爲溝瀆故稱下焉

左

襄三十年傳正義

李巡曰降婁白虎宿也

一切經音

大梁昴也

孫炎曰昴畢之間日月五星出入要道若

津梁則是大梁橋梁爲義也

天官書索隱

孫炎曰西

方之宿昴爲中也

詩七月正義

濁謂之畢

李巡曰濁陰氣獨起陽氣必止故曰畢畢

止也

詩漸漸之石正義

孫炎曰掩兔之畢或謂之濁

因以名星 同上

蕙心案邵氏正義云孫炎之意以制器先有定稱星名由於後起然古人觀象以制器未聞因器以名象也郭氏謂因星形以名較孫義爲長

喙謂之柳

孫炎曰喙朱鳥之口柳其星聚也

天官書索隱

蕙心案史記天官書索隱引爾雅鳥喙謂之柳釋文引爾雅喙謂之柳

北極謂之北辰

鄭注云天皇北辰耀魄寶

周禮大宗

伯正義

李巡曰北極天心也居北方正四時謂之北

辰 孫炎云北極天之中以正四時謂之北辰

並公

羊昭十七年傳疏

蕙心案鄭氏無爾雅注余氏鉤沈邵氏正義皆引之似誤

何鼓謂之牽牛 李巡曰何鼓牽牛皆二十八宿名也

孫炎曰何鼓之旗十二星在牽牛北故或名何鼓爲

牽牛

詩大東正義

何郭胡可反又胡多反

釋文

蕙心案初學記四引爾雅作河鼓天官書天文志皆作河河何古字通如滄水一作荷水何正字也郭注今荆楚人呼牽牛星爲擔鼓擔者荷也是其義

明星謂之启明 孫炎云明星太白也晨出東方高三

舍命曰启明昏出西方高三舍命曰太白

詩大東正義

蕙心案詩大東毛傳云日旦出謂明星爲啟明既入謂明星爲長庚孫注謂晨出東方又云昏出西方不知启明由晨及昏乃由東至西昏不得言出天官書索隱引韓詩云大白晨出東方爲啟明昏見西方爲長庚作見字是也

彗星爲橈槍

孫炎曰橈槍妖星別名也

占經八十五

孫炎曰妖星也四曰彗

一切經音義

蕙心案史記漢書俱以彗星橈槍爲一星與爾雅異孫炎注四曰彗本漢志

奔星爲杓約

舊注流星大而疾曰奔

占經七十一

舊

注杓便窕反

占經

蕙心案說文杓約也杓約猶言綽約奔星之形光綽約無定也舊注作杓正字也

星名

郭氏讚曰茫茫地理粲粲天文四靈垂象

萬類羣分眇觀六沴咎徵惟君

藝文類聚

春祭曰祠夏祭曰禘秋祭曰嘗冬祭曰烝 孫炎云祠之言食禘新菜可杓嘗嘗新穀烝進品物也

詩天保

正義

孫炎云祠食也

衆經音義

孫炎云烝進也

禮王

制正義

祭地曰瘞埋 李巡曰祭地以玉埋地中曰瘞埋 孫

炎曰瘞者翳也既祭翳藏地中 並詩鳥翳正義

祭山曰瘞縣 李巡曰祭山以黃玉及璧以瘞置几上

遙遙而眡之若縣故曰瘞縣 孫炎曰瘞縣埋於山

足曰瘞埋於山上曰縣 公羊僖三十一年傳疏

祭川曰浮沉 孫炎曰祭於水中或浮或沉故曰浮沉

公羊僖三十一年傳疏

祭星曰布 李巡曰祭星者以祭布露地故曰布 孫

炎曰既祭布散於地似星布列也 釋文 爾雅或云諸

布是祭星之處 史記封禪書索隱

蕙心案索隱引舊注文公羊疏引孫注星下有辰字

祭風曰磔 李巡曰祭風以牲頭蹄及皮破之以祭故

曰磔 孫炎云既祭披磔其牲以風散之 並公羊僖

三十一年傳疏

禘大祭也 孫炎云禘五年大祭也 王制正義

釋又祭也 李巡云釋明日復祭曰又祭 詩絲衣正義

孫炎云祭之明日尋釋復祭也 公羊宣八年傳正義

商曰彤 孫炎曰彤者亦相尋不絕之意 詩絲衣正義

夏曰復胙

蕙心案徐彥公羊疏云諸家爾雅悉無此句郭本有

之釋文胙作昨

祭名 郭氏讚曰祭地肆瘞郊天致禋氣升太一

精淪九泉至敬不文明德惟鮮

藝文類聚

夏獵爲苗 舊注云爲苗除害

左隱五年傳正義

冬獵爲狩 李巡云冬圍守而取禽無所擇也

詩伐檀正義

火田爲狩 李巡孫炎竝曰放火烧草守其下風

左昭

七年傳正義

起大事動大眾必先有事乎社而後出謂之宜 孫炎

曰大事兵也有事祭也

詩緝正義

出爲治兵尙威武也入爲振旅反尊卑也 孫炎云出

則幼賤在前貴男力也入則尊老在前復常法也

詩

吉日正義

講武

縑帛縵

孫炎曰爲旒爲縵

詩千旒正義

蕙心案周禮中車賈疏云正幅爲縵爾雅文又覲禮疏爾雅說旌旂云正幅爲縵今本爾雅佚此四字

維以縷

孫炎云維持以縷不欲其曳地也

詩山有樞正義

緇廣充幅

孫炎云緇黑繪也

公羊宣十一年傳疏

繼旒曰旒

孫炎云帛續旒末亦長尋詩云帛旒英英

是也

公羊宣十一年傳疏

注旄首曰旌 李巡曰旌牛尾著干首 孫炎云析五

采羽注旌上也其下亦有旒縹

詩于旌正義

有鈴曰旂 孫炎云鈴在旂上旂者畫龍

公羊宣十二

年傳疏

李巡曰有鈴以鈴著旒端

同上

錯革鳥曰旟 孫炎曰錯置也革急也畫急疾之鳥於

縹也

詩六月正義

孫炎曰畫急疾之鳥於旒周官所

謂鳥隼爲旟者矣 李巡云以革爲之置於旒端

並

公羊宣十二年傳疏 舊注刻爲革鳥置竿首也

御覽

三百四十

因章曰旃 孫炎曰因其繪色以爲旗章不畫之

左僖

八年傳正義

蕙心案文選西京賦薛綜注引爾雅曰熊虎爲旗今爾雅無此文

旌旂

釋地第九

兩河間曰冀州 李巡云兩河間其氣清厥性相近故曰冀冀近也 釋文

河南曰豫州 李巡云河南其氣著密厥性安舒故曰

豫豫舒也

釋文

李巡云言稟中和之氣性理安舒 寰

宇記

李巡云其氣安舒厥性寬舒 禹貢集解 孫炎

曰自東河至西河之南曰豫州

公羊莊十年疏

蕙心案公羊疏引郭注與孫注同今本郭注云自河南至漢與孫氏注異

兩河曰雒州

李巡云河西其氣蔽壅厥性急凶故曰

雍雍壅也

釋文

蕙心案李本雒作雍雍隸變也

漢南曰荊州

李巡云荊州其氣剛燥稟性疆梁故曰

荊荆疆也

書禹貢正義

江南曰揚州

李巡云江南其氣燥勁厥性輕揚故曰

揚揚輕也

書禹貢正義

孫炎曰自江至南海也

公羊

莊十年疏

蕙心案郭注本於孫炎云自江南至海是也公羊疏引孫注自江至南海也恐誤

濟河間曰兗州 李巡云濟河間其氣專直厥性信謹

故曰兗兗信也

釋文 書禹貢正義

蕙心案禹貢正義及邢疏引信謹作信謙

濟東曰徐州 李巡云濟東至海其氣寬舒稟性安徐

故曰徐徐舒也

公羊莊十年疏

孫炎云自濟東至海

公羊莊十年疏

蕙心案李注濟東至海四字禹貢正義引作淮海間

三字

燕曰幽州

李巡云燕其氣深要厥性剽疾故曰幽幽

要也

釋文

孫炎云自易水至北狄也

公羊莊十年疏

齊曰營州

李巡曰齊其氣清舒受性平均故曰營營

平也

公羊莊十年疏

孫炎云自岱東至海

同上

云此蓋殷制

詩周南召南譜正義

九州

晉有大陸

孫炎云今鉅鹿縣北廣河澤也

書禹貢正義

義

孫炎云廣河猶大陸

同上

陟

孫於于反

郭烏花反

釋文

祁 孫本作底音之視反

釋文

十鼓

李巡云蔽澤之別名也

左氏正義

梁莫大於溴梁

孫炎曰梁小橋也

公羊襄十六年疏

音義云溴水出河南杞縣東南至溫入河

公羊疏

八陵

瑛琳

李巡孫炎郭璞等竝云瑛琳美玉

玉藻正義

九府

東方有比目魚焉

郭氏讚曰比目之鱗別號玉餘雖

有二片其實一魚協不能密離不爲疏

藝文類聚

南方有比翼鳥焉

舊說云雙雙之鳥一身二首尾有

雌雄隨便而偶常不離散

公羊定五年疏

郭氏讚曰

鳥有鸚鵡似鳧青赤雖云一質形同體隔延頸離鳴

翻能合翻

藝文類聚

叩叩呬虛負而走其名謂之蟹 李巡曰叩叩呬虛能

走蟹知美草卽若驚難者叩叩呬虛便負蟹而走故

曰比肩獸

釋文

孫炎云叩叩呬虛狀如馬前足鹿後

足兔前高不得食而善走蟹後足鼠前足兔善求食

走則倒故齧草則仰食叩叩呬虛叩叩呬虛負以走

同上

郭氏讚曰蟹與呬虛乍兔乍鼠長短相濟彼我

俱聚有若自然同元共脊

藝文類聚

中有枳首蛇焉 孫炎云音支云蛇有枝首者名曰率

然

釋文

郭氏讚曰夔稱一足蛇則二首少不知無多

不覺有雖資天然無異駢拇

藝文類聚

五方

邑外謂之郊 孫炎曰邑國都也設百里之國五者之

界界各十里

詩駟正義

郊外謂之牧 李本牧作田字釋云田隙也謂隙列種

穀之處隙音陳

釋文

下濕曰隰

舊注云隰濕蟄也

一切經音義

李巡曰下

濕謂土地窟下常沮洳名爲隰也

詩車鄰正義

廣平曰原 李巡曰廣平謂土地寬博而平正也 詩公

劉正義

舍人曰廣土謂土廣而平 御覽

高平曰陸 李巡云高平謂土地豐正名曰陸大陸謂
土地高大名曰阜阜最大名爲陵陵之大者爲阿 左
定四年傳正義

蕙心案左定四年傳杜注引爾雅作廣平曰陸蓋涉
上廣平曰原而譌

可食者曰原 孫炎曰可食謂有井田也陸阿山田可
種穀者亦曰原也 左襄二十五年傳正義

陂者曰阪 李巡曰陂者謂高峯山陂 詩車鄰正義

下者曰濕

李巡曰下者謂下濕之地隰濕也

詩車轄正義

田一歲曰菑

孫炎曰菑始災殺其草木也

詩采芑正義

義菑孫音災

釋文

二歲曰新田

孫炎曰新田新成桑田也

詩采芑正義

三歲曰畬

孫炎曰畬和也田舒緩也

詩采芑正義

野

西至于邠國

蕙心案說文引爾雅作西至于汎國文選上林賦注

文穎引爾雅曰至於幽國爲西極

謂之四海

舍人云晦冥無識不可教誨故曰四海

御

覽三十六

李巡曰四海遠於四荒

曲禮正義

孫炎曰

海之言晦晦闇於禮義也

詩蓼蕭正義

距齊州以南戴日爲丹穴

舍人云自中州以南日光

所照故曰丹穴

御覽三十六

四極

釋邱第十

邱一成爲敦邱

孫炎云形如覆敦敦器如盂

詩氓正義

義郭音頓釋文

再成爲陶邱

李巡曰再成其形再重也

書禹貢正義

孫炎云形如累兩盂

後漢書明帝紀注

三成爲崑崙邱

周禮注引爾雅崑崙作昆侖二字不以山是也

如乘者乘邱 李郭皆云形如車乘

釋文

絕高爲之京

孫郭並云人力所作

詩楚邱正義

李巡

曰邱之高大者曰京

詩皇矣正義

非人爲之邱

李巡曰謂非人力所爲自然生爲邱也

詩蘇蠻正義

孫炎云地性自然也

同上

水出其左營邱

孫炎曰今齊之營邱淄水過其南及

東

詩齊詩正義

蕙心案水經淄水注引爾雅曰水出其前左爲營邱

元和郡縣志引爾雅有前字禮記正義引爾雅亦有前字詩正義引爾雅無前字是唐初爾雅本已有脫去前字者然作前左者舊本也當從之

如覆敦者敦邱

孫炎云邱一成之形象也

詩堪正義

郭音丁回反

釋文

蕙心案孫炎以此篇敦邱兩見主於重言郭於邱一成者音頓於如覆敦者音丁回反讀與孫異也

遞迤沙邱

蕙心案史記集解引爾雅作迤遞

前高旄邱

李巡云謂前高後卑下

詩旄邱正義

蕙心案文選荅賓戲注應劭引爾雅作前高整邱案

整正字旄假借字

偏高阿邱

李巡曰謂邱邊高

詩載馳正義

宛中宛邱

舊注云四方高中央下曰宛

元和郡縣志

李巡孫炎皆云中央下

詩宛邱正義

孫云謂中央汙

也郭於紛反謂蘊聚隆高也

釋文

蕙心案郭注謂中央隆高與釋文異釋文所引蓋郭

氏音義也於紛反則宛讀如蘊矣

右陵泰邱

蕙心案史記封禪書集解引爾雅作右陵太邱

如畝畝邱 李巡云謂邱如田畝田畝邱也 孫炎云

方百步也

並詩卷伯正義

天下有名邱五其三在河南其二在河北 郭注云說者多以州黎宛營爲河南潛敦爲河北者

蕙心業郭此注引爾雅舊說也

邱

夷上洒下不澹 李巡曰夷上洒下澹下故名曰澹

詩伐檀正義

孫炎曰平上澹下故名曰澹不者蓋衍

字也

釋文

隩隈 孫炎曰隈水曲中也

詩淇奥正義

隩郭於六反

釋文

厓內爲隩外爲隈 李巡曰厓內近水爲隩其外爲隈

孫炎曰曲裏也外曲表也

詩公劉正義

蕙心案隈唐石經作鞫釋文同詩公劉正義左裏三年傳正義並引爾雅厓內爲隩外爲鞫是也今作隈
依俗本改

畢堂牆 李巡曰堂牆名崖似堂牆曰畢

詩終南正義

墳大防 李巡曰墳謂厓岸狀如墳墓名大防也

詩汝

墳正義

孫炎曰防謂隄也

左襄二十五年傳正義

涘爲厓 李巡曰涘一名厓謂水邊也

詩葛藟正義

谷者微 爾雅曰谷者微郭景純曰微水邊通谷也

水

經滌水注

蕙心案微微古通所引蓋郭氏音義

厓岸

釋山第十一

河南華 李巡曰華西嶽華山也岱東嶽泰山也恒北

嶽恒山也衡南嶽衡山也

左昭四年傳正義

河西嶽 孫炎曰嶽雍州鎮有吳嶽山也

御覽四十四

河北恒 郭音義云恒山一名常山避漢文帝諱

書禹

貢正義

再成英一成坯 李巡曰山再重曰英一重曰坯 書禹

貢正義

山大而高崧 李巡曰高大曰崧 詩崧高正義

小山岌

蕙心粲說文馬部駮字云讀若爾雅小山駮蓋古本
爾雅岌有作駮者駮假借字

屬山嶧 舊注言絡繹相連今魯國鄒縣有嶧山純石
相積連屬而成山 御覽四十二 郭云嶧山純石積構

連屬而成山 後漢郡國志注

蕙心粲郭氏音義多本舊注

山脊岡

孫炎曰長山之脊也

詩卷耳公劉正義

未及上翠微

舊注云一說山氣青縹色曰翠微

初學記

山頂冢

孫炎云謂山巔也

詩十月之交正義

重巖

李巡曰險阪也

詩釋文

孫炎曰山基有重岸

也

詩葛藟正義

邢疏

峯者屣屣

蕙心案屣屣乃崔嵬之異文詩十月之交鄭箋云峯

者崔嵬正用爾雅文蓋鄭君所見爾雅本如此

小山別大山鮮

孫炎曰別不相連也

詩皇矣正義

李

云大山少故曰鮮

釋文

蕙心案文選吳都賦長笛賦竝引爾雅小山別大山
嶰嶰或形近而譌皇矣詩度其鮮原公劉詩陟則
在嶰復降在原公劉之嶰原卽皇矣之鮮原毛傳嶰
小山別大山也毛以鮮嶰爲一字且讀小山別大山
爲句雖不言爾雅必爾雅古義也

礲

郭五角五交二反

釋文

礲

郭若角反

釋文

礲

郭火篤反又徂學反

釋文

石戴土謂之崔嵬

孫炎曰石山上有土者

詩卷耳正義

土戴石爲砮

孫炎曰土山上有石者

詩卷耳正義

山夾水澗

李巡曰山間有水

左隱三年傳正義

山有穴曰岫

郭音冑又音由

釋文

山西曰夕陽山東曰朝陽

爾雅云山南曰陽山北曰

陰

周禮柞氏疏

李巡曰山西暮乃見日故曰夕陽山

東朝乃見日故曰朝陽

書武成正義

孫炎曰夕乃見

日朝先見日也

詩公劉正義

蕙心案周禮疏引爾雅蓋爾雅舊注也

霍山爲南嶽

孫炎云霍山當作衡山字之誤也

詩崧

高正義

郭注云霍山今在廬江灊縣潛水出焉別名

天柱山漢武帝以衡山遼遠故移其神於此今其土

俗人多以霍山不得爲南嶽又言從漢武帝始乃名
之如此言爲武帝在爾雅之前乎斯不然矣 左昭四
年傳正義

蕙心案正義引郭注乃音義文也

梁山晉望也 孫炎曰晉國所望祭也 詩韓奕正義

釋水第十二

水一見一否爲澱

蕙心案說文泉字注引爾雅泉一見一否爲澱

濫泉正出正出涌出也 李巡曰水泉從下上出曰涌

泉 詩采菽正義

沃泉縣出縣出下出也 李巡曰水泉從上溜下出是

下泉卽沃泉

詩下泉正義

沈泉穴出穴出仄出也 李巡曰水泉從旁出名曰沈

泉沈泉側出

詩大東正義

蕙心案李本仄作側

溪關流川

溪郭巨癸反孫苦穴反

釋文

灘反入

爾雅河水決出復入者爲灘

元和郡縣志

蕙心案此下文河爲灘舊注也元和郡縣志灘湖在

巴陵縣南引爾雅河水決出復入者爲灘巴陵今屬

湖南非河水所經元和志特借證滙灘音義通耳

歸異出同流肥

從爲舍人云水異出流行合同曰肥

水經淇水注

蕙心案水經注淇水引爾雅歸異出同曰肥無流字
水醮曰唇

蕙心案說文水部引爾雅水醮曰沆唇字說文云仄
出泉也

汶爲澗

李巡曰澗溢也

釋文

漢爲潛

李巡曰漢水溢流爲潛

荀子大畧篇注

郭音

義云有水從漢中沔陽縣南流至梓潼漢壽入大穴
中通岡山下西南潛出一名沔水舊俗云卽禹貢潛

也 書禹貢正義

江爲沱

李巡云江溢出流爲沱

寰宇記

郭音義云沱

水自蜀郡都安縣崩山與江別更流

書禹貢正義

汝爲潰

潰衆爾雅亦作涓

釋文

蕙心案說文引爾雅作汝爲涓涓細流然則水自河出爲灘十句皆言各水由大水別出爲枝流者也如水經濟水注引爾雅曰濟別爲楚汶別爲瀾洛別爲波淮別爲許潁別爲沙之類酈氏皆于爾雅原文增一別字與禹貢導江言東別爲沱一例皆以見大水溢出別爲小水也

河水清且瀾漪 李依詩作連 郭力照反又力安反

釋文

大波爲瀾小波爲淪直波爲徑 李巡曰分別水大小

曲直之名 詩伐檀正義

江有沱河有澨汝有瀆 李巡云江河汝旁有肥美地

名 詩汝墳正義

蕙心菜李以爲地名郭以爲重見李說是也

澣水厓 李巡曰澣水邊地名厓也 詩葛藟正義 孫炎

曰厓水邊也 詩北山正義

水草交曰湄 李巡曰水中有草木交會曰湄 左傳三

十八年傳正義

健爲舍人云水中有草木交合也

水

經濟水注

濟有深涉深則厲淺則揭 李巡曰濟渡水深則厲淺

則揭衣渡也不解衣而渡水曰厲

左襄十四年傳正

義

孫炎曰揭褰衣裳也以衣涉水濡禪也

同上

繇剌以下爲揭

蕙心案經義述聞王氏云此六字蓋唐以前學者所增非爾雅原文案匏有苦葉毛傳揭褰衣也卽爾雅揭揭衣也皇侃論語義疏云由剌以下爲揭兩注皆本雅訓或省上句或省下句何得謂爾雅本無繇剌

以下爲揭之文

由帶以上爲厲

蕙心案劉向九歎權舟杭以橫灑兮王逸注云灑渡也
也由帶以上爲灑正用爾雅文厲字作灑正體也

縛絆也 李巡曰絆竹爲索所以維持舟者詩采菽正

義 孫炎曰絆大索也舟止繫之於樹木戾竹爲大索
同上

天子造舟 李巡曰比其舟而渡曰造舟 孫炎曰造

舟比舟爲梁也詩大明正義 舊說云以舟爲橋詣其

上而行過故曰造舟公羊宣十二年疏 郭圖云天子

竝七船諸侯四大夫二士一

釋文

諸侯維舟 李巡曰中央前後相維持曰維舟 孫炎

曰維舟連四舟也 並詩大明正義 音義曰維持使不

動搖也 公羊宣十二年疏

大夫方舟 李巡云併兩船曰方舟 詩谷風正義

士特舟庶人乘泝 李巡云一舟曰特舟庶人乘泝併

木以渡別尊卑 公羊宣十二年疏

水注川曰谿 舊注云此皆小注大小異名 文選上

林賦注 李巡曰水出於山入於川爲谿也 左傳三年

注谿曰谷 李巡云水相屬曰谷 公羊僖三年疏

注澮曰瀆

舊注云水流不絕曰瀆

御覽七十五

逆流而上曰泝洄順流而下曰泝游

孫炎曰逆渡者

逆流也順渡者順流也

詩蒹葭正義

正絕流曰亂

孫炎曰直橫渡也

詩公劉正義

水泉

郭氏讚云川瀆綺錯渙澗流帶潛潤旁通

經營華外殊出同歸混之東會

初學記

水中可居者曰洲

李巡曰四方皆有水中央獨可居

詩關雎正義

孫炎曰水有平地可居者也

一切經音義十七

小階曰沚

李巡云但大小異其名

邢疏

小沚曰泚

蕙心案史記正義引爾雅水沚曰泝水者小之譌詩
匏有苦葉釋文鷺字以水反今譌作以小反可證

人所爲曰滴 舍人云滴人力水爲居止 御覽七十一

滴郭述決二音郭圖云水中自然可居者爲洲人亦
於水中作洲而小不可止居者名滴水中地也 釋文

水中

河出崐崙虛色白 李巡云河水始出其色白也 孫
炎云崐崙山名也墟者山下之地白者西方之色也
郭音義云禹本紀及山海經皆云河出崐崙山

郭氏讚云崐崙月精水之靈府惟帝下都西羌之宇

嶢然中峙號曰天柱

藝文類聚 蕙心案釋文引郭讚云崑崙三層號曰天柱實惟河

源水之靈府與藝文異疑當在釋邱

所渠并千七百爲一川色黃 李巡云水流而分交錯

相穿故曰川也 孫炎云所受渠多轉流溷濁故色

黃 釋文

百里一小曲千里一曲一直 李巡云水勢小曲乃大

直也故曰小曲水陰節每一曲一直通無極也故曰

千里一曲一直 釋文

河曲

徒駭 李巡曰禹疏九河以徒衆起故曰徒駭 孫炎

曰禹疏九河此河功難衆懼不成故曰徒駭 釋文

蕙心案孫注此河功難禹貢正義引作用功雖廣

大史 李巡曰禹大使徒衆通水道故曰大史 孫炎

曰大使徒衆故依名云 詩般正義 大孫如字或云大

史者史官記事之處 釋文

蕙心案釋文引或云當是舊注

馬頰 李巡孫炎云河勢上高下狹狀如馬頰也 釋文

覆鬴 李孫郭竝云水中多潛往往有可居之處狀如

覆鬴之形 郭云鬴古釜字 釋文

胡蘇 李巡曰其水下流故曰胡蘇胡下也蘇流也

孫炎曰水流多散胡蘇然也

詩般正義

簡 李巡曰簡大也河水深而大也

書禹貢正義

孫炎

簡水通易也

詩般正義

絜 李巡云河水多山石之苦故曰絜絜苦也

禹貢正

義 孫郭並云水多約絜

釋文

鉤盤 李巡云言河水曲如鉤屈折如盤也

書禹貢正

義 李本作股云水曲如鉤折如人股故曰鉤股孫郭同

云水曲如鉤流盤桓不直前也

釋文

蕙心案盤釋文作股從李本盤桓字通作股形似股

釋文云李本作股據譌本也禹貢正義引作盤可證
鬲津 李巡云河水狹小可隔以爲津故曰鬲津 孫
郭同云水多阨狹可隔以爲津而橫渡

釋文

九河

爾雅古注斟卷中

婿劉壽曾校字